

10. i 68. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinsko vijeće Centar Sarajevo je, na Trideset petoj redovnoj sjednici, održanoj dana 23.07.2015. godine, donijelo

ODLUKU

O PRESTANKU STATUSA NEPOKRETNOSTI U OPĆOJ UPOTREBI

Član 1.

Utvrđuje se da je izgubilo status nepokretnosti u općoj upotrebi zemljište označeno kao:

- k.č. 517, nastala od k.č. 2, po kulturi ulica, površine 15 m², koje se u z.k. ul. 183, k.o. Sarajevo-Mahala CXXVI, vodi kao iskaz I - javno dobro.

Po novom katastarskom premjeru predmetno zemljište odnosi se na k.č. 3792/2 nastala od k.č. 3792/1, k.o. Sarajevo VIII.

Član 2.

U zemljišnim knjigama Općinskog suda Sarajevo, kao i u Katastru Općine Centar Sarajevo, brisat će se upis zemljišta iz člana 1. ove odluke kao nepokretnost u općoj upotrebi, a navedeno zemljište bit će upisano po kulturi "dvorište" kao državna svojina, čiji je nosilac prava raspolaganja Općina Centar Sarajevo sa dijelom 1/1.

Član 3.

Ova odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-49-1371/15
23. jula 2015. godine
Sarajevo

Predsjedavajući/po OV
Broj 01-49-1137/14
Doc. dr. Nedžad Ajnadžić, s. r.

Ova Odluka je objavljena na oglasnoj ploči Općine Centar dana 30.07.2015. godine

Na osnovu člana 4. i člana 13. a u skladu sa članom 78. Stav (4), člana 97. Zakona o cestama Federacije Bosne i Hercegovine ("Službene novine Federacije BiH", broj 12/10) i člana 10. i 68. Statuta Općine Centar ("Službene novine KS", broj 23/04), Općinsko Vijeće Centar Sarajevo je, na Trideset petoj redovnoj sjednici održanoj dana 23.07.2015. godine, donijelo

ODLUKU

O VISINI I NAČINU PLAĆANJA NAKNADE ZA KORIŠTENJE ZEMLJIŠTA U CESTOVNOM POJASU I DRUGOG ZEMLJIŠTA KOJE PRIPADA JAVNIM LOKALNIM I NEKATEGORISANIM CESTAMA KOJIMA UPRAVLJA OPĆINA CENTAR SARAJEVO

Član 1.

Ovom Odlukom utvrđuje se visina i način plaćanja naknada za privremeno korištenje zemljišta u cestovnom pojasu i drugog zemljišta koje pripada nekategorisanim cestama na području općine Centar i lokalnim cestama određenim članom 3. Odluke o razvrstavanju lokalnih cesta i ulica u gradu Sarajevu na području općina Centar Sarajevo, Novi Grad Sarajevo, Novo Sarajevo i Stari Grad Sarajevo ("Službene novine Kantona Sarajevo", broj 40/14).

Član 2.

Pod zemljištem koje pripada javnoj cesti podrazumijeva se kolovozna konstrukcija, most, vijadukt, podvožnjak, nadvožnjak, propust, tunel, galerija, potporni i obloženi zid, nasip, cestovni pojas sa obje strane ceste potreban za nesmetano održavanje ceste minimum 1,0 metar računajući od crte koja spaja krajnje tačke poprečnog profila ceste, zračni prostor iznad kolovoza u visini 7 metara, cestovno zemljište na kojima su izgrađene građevine za potrebe održavanja ceste ili pružanja usluga vozačima i putnicima odnosno pješacima (objekti za

upravljanje i nadzor saobraćaja, objekti za održavanje cesta, benzinske pumpe, servisi, autobuska stajališta, parkirališta, odmorišta i dr.), stabilni i mjerni objekti i uređaji za nadzor vozila, priključci na javnu cestu izgrađeni na cestovnom zemljištu, saobraćajni znakovi i uređaji za nadzor i sigurno vođenje saobraćaja i oprema ceste, objekti za vaganje i kontrolu saobraćaja, građevine i oprema za zaštitu ceste, saobraćaja i okoliša (snjegobrani, vjetrobriani, zaštita od obrušavanja i nanosa materijala, zaštitne i sigurnosne ograde, putokazi i kilometarske oznake, odbojnici, zaštita od buke i drugih štetnih uticaja na okoliš i slično.)

Član 3.

U skladu sa uslovima propisanim ovom Odlukom i Zakonom zemljište iz člana 2. ove Odluke može se koristiti za sljedeće svrhe:

- prekomjernu upotrebu javne ceste;
- vanredni prijevoz;
- za priključenje i prilaz na javnu cestu koji se nalaze u cestovnom zemljištu (rješiti u okviru urbanističke saglasnosti ili samostalno);
- za radove poprečnog postavljanja u trup ceste cjevovoda, kablova i vodova, rušenje i uklanjanje drveća, šiblja i rastinja koje ugrožava ili bi moglo dovesti do ugrožavanja odvijanja saobraćaja;
- za postavljanje reklama, reklamnih panoa, natpisa i znakova informacija u skladu sa Pravilnikom o korištenju cestovnog pojasa i cestovnog zemljišta na području općine Centar;
- za privremeno zauzimanje cestovnog pojasa u svrhu parkiranja (član 88. tačka 9.) u skladu sa Programom parkiranja na području općine Centar.

Član 4.

Fizička i pravna lica (u daljem tekstu: korisnici) koja koriste zemljište iz člana 3. ove Odluke obavezni su plaćati naknadu za korištenje tog zemljišta upravitelju ceste.

Član 5.

Naknada iz člana 4. ove Odluke obračunava se u zavisnosti za koju svrhu se zemljište koristi i o intenzitetu prometa na cesti na sljedeći način:

- za prekomjernu upotrebu ceste izdavanjem rješenja u skladu sa Pravilnikom o utvrđivanju prekomjerne upotrebe javne ceste koju donosi federalni Ministar prometa i komunikacija;
- za vanredni prevoz izdavanjem rješenja u skladu sa Pravilnikom za vršenje vanrednog prevoza koji donosi federalni Ministar prometa i komunikacija uz saglasnost Federalnog Ministarstva unutrašnjih poslova;
- za saglasnost na priključak i prilaz na javnu cestu;
- za odobrenje za radove u trupu ceste;
- za odobrenje i naknadu za postavljanje reklama, reklamnih panoa, natpisa i znakova informacija u skladu sa posebnim Pravilnikom o korištenju cestovnog pojasa i cestovnog zemljišta na području općine Centar;
- za odobrenje za zauzimanje cestovnog zemljišta u svrhu parkiranja u skladu sa Programom parkiranja na području Općine Centar.

Izuzetno, cestovno zemljište se može dati na korištenje bez naknade isključivo u humanitarne svrhe uz obavezu korisnika da zemljište koristi pod uslovima i na način utvrđen rješenjem o privremenom korištenju cestovnog zemljišta.

Član 6.

Odobrenje za radove u trupu ceste i cestovnom pojasu izdaje se za sljedeće radove:

1. za polaganje telekomunikacijskih i električnih kablova, uz naknadu od 2,00 KM/ml
2. za polaganje cjevovoda promjera do 200 mm, uz naknadu od 2,0 KM/ml

3. za polaganje cjevovoda većeg promjera od 200 mm, uz naknadu od 2,50 KM/m¹
4. za elektronske, telefonske i antenske priključke i opremu, uz naknadu od 500,00 KM/kom.
5. za odobrenje za rušenje i uklanjanje drveća iz cestovnog pojasa, uz naknadu od 500,00 KM/kom;
6. za odobrenje za uklanjanje šiblja i rastinja iz cestovnog pojasa, uz naknadu od 5,0 KM/m².

Član 7.

Naknada za korištenje cestovnog zemljišta u svrhu priključka/prilaza radi obavljanja pratećih djelatnosti pružanja usluga vozačima i putnicima iznosi:

- za benzinske pumpe s priključkom sa javne ceste 6,00 KM/m²
- za sve ostale priključke osim za stambene zgrade 3,00 KM/m²
- za autoservise, ugostiteljske i slične objekte 3,00 KM/m².

Član 8.

Visina naknade koju korisnik cestovnog zemljišta plaća utvrđuje se rješenjem nadležnog općinskog organa. Naknada se plaća unaprijed, u jednokratnom iznosu na račun upravitelja ceste. Prije izdavanja rješenja korisnik je dužan predočiti dokaz o izvršenoj uplati.

Član 9.

Pored naknada utvrđenih odredbama Zakona i ove Odluke podnosioci zahtjeva plaćaju i administrativne troškove za izdavanje saglasnosti ili rješenja.

Naknada troškova iz stava 1. ovog člana iznosi:

1. Naknada za davanje saglasnosti za lokaciju i izgradnju benzinske pumpe s priključkom na javnu cestu iznosi 3.000,00 KM po zahtjevu;
2. Naknada za davanje saglasnosti za dogradnju postojeće benzinske pumpe iznosi 1.500,00 KM po zahtjevu;
3. Naknada za davanje saglasnosti za lokaciju i izgradnju ostalih poslovnih objekata koji su u funkciji prometa sa priključkom na javnu cestu iznosi 1.000,00 KM po zahtjevu;
4. Naknada za davanje saglasnosti za dogradnju postojećih poslovnih objekata koji su u funkciji prometa iznosi 500,00 KM po zahtjevu;
5. Naknada za davanje saglasnosti za lokaciju objekata iznosi 500,00 KM;
6. Naknada za davanje saglasnosti za izgradnju priključka na javne ceste iznosi 500,00 KM;
7. Naknada za davanje saglasnosti za izgradnju prilaza na javne ceste iznosi 250,00 KM;
8. Naknada za davanje saglasnosti za polaganje infrastrukturnih vodova (vodovod, kanalizacija, plinovod, TK instalacije, elektroinstalacije i slično) kroz trup ceste i cestovne objekte:
 - Sa prekopom trupa ceste u iznosu 500,00 KM
 - Sa bušenjem trupa ceste u iznosu 300,00 KM
 - Ovještene na objekte ili kroz objekte u iznosu 500,00 KM
 - Za elektro, telefonske, antenske priključke opremu i slično u iznosu 100,00 KM.
9. Naknada za izdavanje saglasnosti za polaganje infrastrukturnih vodova (vodovod, kanalizacija, plinovod, TK instalacije, elektroinstalacije i slično) paralelno sa osovnom ceste a pored trupa ceste iznosi 500,00 KM;
10. Naknada za izdavanje saglasnosti za prijelaz dalekovoda iznad javnih cesta iznosi 300,00 KM;
11. Naknada za izdavanje saglasnosti za postavljanje reklamnih znakova u iznosu 50,00 KM/kom.

Član 10.

Nelegalni korisnik cestovnog zemljišta je svaki korisnik cestovnog zemljišta koji nema rješenje o privremenom korištenju

cestovnog zemljišta ili ne izmiruje obaveze plaćanja naknade po donesenom rješenju od strane nadležnog općinskog organa.

Nalog za obustavu vršenja bespravnih radnji i otklanjanje smetnji na cesti i u zaštitnom pojasu (uklanjanje oštećenih vozila, vozila u kvaru ili tereta sa kolovoza na teret vlasnika ili korisnika vozila i slično) u skladu sa čl. 62, 65, 67 i 71. Zakona o cestama Federacije BiH i članom 9. Zakona o izmjenama i dopunama Zakona o cestama Federacije BiH ("Službene novine Federacije BiH", broj 66/13) vrši općinska inspekcija za ceste.

NADZOR NAD PROVOĐENJEM ODLUKE:

Član 11.

Poslove inspekcijaskog nadzora nad provođenjem ove Odluke vrši općinski cestovni Inspektor u skladu sa članom 4. Zakona o cestama FBiH, članom 9. Zakona o izmjenama i dopunama Zakona o cestama Federacije BiH ("Službene novine Federacije BiH", broj 66/13) i ovom Odlukom.

Član 12.

Pravna i fizička lica kod kojih se vrši inspekcijaski nadzor dužna su omogućiti rad Inspektoru, pružiti potrebnu pomoć i na zahtjev inspektora u određenom roku dostaviti podatke i dokumentaciju za vršenje inspekcijaskog nadzora.

KAZNE NE ODREDBE:

Član 13.

Novčanom kaznom za počinjene prekršaje biti će kažnjena fizička i pravna lica u skladu sa odredbama Zakona o cestama Federacije BiH ("Službene novine Federacije BiH", broj 12/10).

ZAVRŠNE ODREDBE:

Član 15.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo", a početi će se primjenjivati u roku od 90 dana od dana objavljivanja.

Broj 01-14-2209/15
23. jula 2015. godine
Sarajevo

Predsjedavajući /po OV
Broj 01-49-1137/14
Doc. dr. **Nežžad Ajnadžić**, s. r.

Ova Odluka je objavljena na oglasnoj ploči Općine Centar dana 30.07.2015. godine.

Općinski načelnik

Na osnovu člana 69. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Preporuke Kolegija Općinskog vijeća Centar Sarajevo, broj 01-37-4-1/15 od 23.07.2015. godine, Općinski načelnik donosi

RJEŠENJE

**O IMENOVANJU VRŠILACA DUŽNOSTI
PREDSJEDNIKA I ČLANOVA UPRAVNOG ODBORA
JAVNE USTANOVE "CENTAR ZA SPORT I
REKREACIJU" SARAJEVO**

I

Imenuju se vršioci dužnosti predsjednika i članova Upravnog odbora Javne ustanove "Centar za sport i rekreaciju" Sarajevo i to:

1. **HAMDİJA HASANOVIĆ**, predsjednik
2. **AMER KAPO**, član
3. **JASMIN GAZIJA**, član
4. **MUHAMED ALAIM**, član
5. **HARIS FAZLAGIĆ**, član

II

Imenovanje iz tačke I ovog rješenja vrši se do okončanja procedure javnog oglasa i konačnog imenovanja, a najduže na period do 4 mjeseca.